

Schwarz-Schilling imenovao Clifforda Bonda izaslanikom visokog predstavnika za područje Srebrenice



Visoki predstavnik i specijalni predstavnik EU Christian Schwarz-Schilling imenovao je danas Clifforda Bonda, bivšeg ambasadora SAD u Bosni i Hercegovini, izaslanikom visokog predstavnika za područje Srebrenice.

Kao izaslanik visokog predstavnika, ambasador Bond će ispred međunarodne zajednice biti zadužen za kontakt s lokalnim organima vlasti – državnom nivou, Republici Srpskoj i Federaciji BiH – u vezi sa pitanjima koja se odnose na područje Srebrenice, uključujući i Bratunac.

Ambasador Bond će na terenu obavljati superviziju aktivnosti međunarodne zajednice u i oko Srebrenice te provoditi relevantne odluke visokog predstavnika koje se tiču ovog područja.

Kako je 27. aprila dogovoreno između visokog predstavnika i premijera Bosne i Hercegovine, Federacije BiH te Republike Srpske, izaslanik visokog predstavnika će također osigurati da organi vlasti Bosne i Hercegovine uspostave i održavaju efikasnu koordinaciju za provedbu preporuka Grupe međunarodne zajednice zadužene za procjenu situacije u Srebrenici. Iste uključuju prijedloge za područje Srebrenice za 2007.godinu

date od strane države, Federacije BiH i Republike Srpske.

Istovremeno, ambasador Bond će ostvarivati veze sa međunarodnom zajednicom kako bi potaknuo pristizanje veće pomoći i investicija na područje Srebrenice. On će također pomagati aktivnosti namijenjene za pomoć povratnicima u Srebrenicu te još uvijek raseljenim licima sa područja Srebrenice.

Ambasador Bond će također nadzirati cjelokupnu političku situaciju u području Srebrenice te će izvještavati visokog predstavnika o aktivnostima i razvoju događaja u području njegove odgovornosti, a posebno o političkim događanjima u Srebrenici i Bratuncu.

Ambasador Bond je bio ambasador Sjedinjenih Američkih Država u Bosni i Hercegovini od oktobra 2001. do avgusta 2004. godine. U tom periodu, ambasador Bond je bio član Izvršnog odbora Fondacije "Srebrenica-Potočari spomen obilježje i mezarje".

Od kada je napustio Bosnu i Hercegovinu, ambasador Bond je radio kao viši savjetnik u Kongresnoj komisiji za sigurnost i saradnju u Evropi te kao vanredni profesor na Univerzitetu za nacionalnu odbranu Sjedinjenih Država.

Ambasador Bond je započeo svoju diplomatsku karijeru u Misiji Sjedinjenih Država pri tadašnjim Evropskim zajednicama, a potom je radio u ambasadama Sjedinjenih Država u Beogradu, Štokholmu, Pragu i Moskvi. Ambasador Bond je 1990. godine iz Vašingtona koordinirao američku pomoć za Istočnu Evropu te je postao direktor Ureda za područje Kavkaza i Centralne Azije prije nego što je imenovan na mjesto ambasadora u Bosni i Hercegovini.

Ambasador Bond je diplomirao na Odsjeku za diplomatsku službu na Univerzitetu Georgetown te je završio postdiplomske studije na *London School of Economics*. Također je pohađao *National War College* pravni fakultet *Osgoode Hallu* Ontariu. Ambasador Bond govori bosanski, hrvatski i srpski jezik te francuski i

ruski. Oženjen je i ima četvero djece.